

Powšitkowne WOZJEWJENJA

njedźelu, 27. junija 2021

Wusyłanje Božeu mšow

Serbskorěčnej Božej mši móža wěriwi tutu njedźelu, 27. junija, znowa jako live-stream w interneće scěhować. Jedna přenjese so we 8.30 hodź. z Kulowskeje, dalša w 9 hodź. z Chróšćanskeje cyrkwe. Linkaj na njej stej w interneće pod www.posol.de a na wosadnymaj stronmaj podatej.

Požohnowanje motorskich

Popołdno z požohnowanjom motorskich zahaji so tutu njedźelu, 27. junija, w 14 hodź. z nyšporom w Ralbičanskej cyrkwi. Wšitcy su k tomu přeprošeni.

Mandźelski seminar

Seminar k přihotej na sakrament mandźelstwa wotměje so pjatk a sobotu, 9. a 10. julija, w Smochčanskim kubłanišću swjateho Bena. Přizjewjenja přijimuju so hač do pón-džeze, 28. junija, jeničce online na internetowej stronje Dekanatneho dušepastyrstwa. Link k wotpowědnemu formularj a k dalšim pokiwam je pod www.posol.de podaty.

Starobiskop swjeći dejmantny měšniski jubilej

Džaknu Božu mšu składnostnje swojeho dejmantneho měšniskeho jubileja swjeći starobiskop Joachim Reinelt na swjedženju Pětra a Pawoła wutoru, 29. junija, w Drjež-džanskej katedrali. Kemše zahaja so we 18 hodź. Serbskich wěriwych wón wuraznje na nje přeprošuje.

Na Marije wopytanja do Róžanta

Na Božu mšu na swjedženju Marije wopytanja, pjatk, 2. julija, w 19 hodź. su wěriwi ze serbskich wosadow do Róžanta na putniku łuku přeprošeni, wuraznje džěci a młodostni. Dopołdnja w 9.00 hodź. budže w Róžeńce tohorunja Boža mša.

Serbske kemše w Drježdžanach

Drježdžanscy Serbja su na maćernorěčnu Božu mšu njedźelu, 4. julija, w 16.00 hodź. do cyrkwe swjateho Antonija w Drježdžanach-Löbtauwje, Bünauska 10, přeprošeni. Kemše změje farar Gabriš Nawka. Snano přizamknje so po tym zhromadna bjesada.

Dny za singlow

Wšitcy singlojo su na zhromadny kónc tydženja do Smochčanskeho kubłanišća swjateho Bena přeprošeni. Tutón wotměje so wot pjatka do njedžeze, 16. do 18. julija. Přizjewjenja přijimuju hač do pjatka, 2. julija, a to telefonisce pod čisłom (03 59 35) 2 23 17 abo z mejlku na ansgar.hoffmann@bg-schmochtitz.de. Link k stronje z dalšimi informacijemi nańdu zajimcy pod www.posol.de.

Gig-festiwal 2021 w Różeńće

Po lońšej přestawce smědža so wšitcy fanojo GiG-festiwala (GiG steji za „God is Good“) zaso na duchowny swjedžen wjeselić. Wón wotměje so sobotu, 10. julija, w Róžeńće, tónraz pak jenož jedyn dzeń město cyłeho kónca tydženja. Tež lětsa wobdželi so zaso znaty ameriski DJ Joe Melendrez. Dale wočakuja přeni raz italsku band z Paduwy, skupinu z Pólskeje, dvě skupinje z Wiena a spěwarjow z Bochuma. Hudźbny stil je předewšěm jazz, gospel, rock a načasna hudźba. Zastup budže wot 17 hodź. Kaž kóždy lěto je wón darmotny. Organizatorjo pak zwjesela so z pjenježnych darow. Koncerty zahaja so we 18 hodź. Wjeršk ma w nocy w 22 hodź. wustajenje Najswjećišeho na jewišću a ćah swěčkow być. Hygieniskich předpisow dla so na městnje kontaktowe daty hromadža. Kóždy měl sej přikryw abo stólc k dodržženju wotstawkow sobu přinjesć. Wo čelne derjeměće so tam postaraja. Njedźelu, 11. julija, w 10.30 hodź. su wěriwi na Božu mšu z patrom Paulusom Tautzom do Róžanta přeprošeni.

Jězba młodostnych do Oberammergauwa

Dekanatne dušepastyrstwo za młodžinu přeprošuje serbskich młodostnych, zo bychu sej klětu spočatk meje zhromadnje na swětoznate pasionske předstajenje do Oberammergauwa dojěli. Wotjědu pjatk, 6. meje, nawječor a wróca so njedźelu, 8. meje, wječor. Jónkrótnje móža sej młodostni ze wšeho swěta w starobje 16 do 28 lět tamnišu generalku wobhladać. Z tym dóstanu zastupny lisćik za 24 eurow, kotryž hewak znajmjeńša 150 eurow płaci. Po předstajenju změja přiležnosć, so z dźiwadźelnikami rozmołwjeć. Nimo toho postaraja so Oberammergaučenjo wo kwartěry a zastaranje za přihódnu płaciznu. Zastup, zastaranje a nóclěh budže dohromady něhdže 70 eurow płacić. K tomu přińdu kóšty za transfer. Dalše informacije su pod www.jugendtage-passionsspiele.de wozjewjene. Přizjewjenja přijimuje Worklečanske dekanatne młodžinske dušepastyrstwo hač do srjedy, 21. julija, ale jeničce online. Link k tomu je pod www.posol.de podaty. Městna su wobmjezowane.

Prózdnińska jězba za dźěći

Dekanatne dušepastyrstwo dźěći přeprošuje šulerki a šulerjow 5. do 8. lětnika w lětnich prózdninach na jězbu do Zehrena blisko Mišna. Wona wotměje so wot póndzele do pjatka, 23. do 27. awgusta. Swójski přinošk na wobdžělnika wučinja 100 eurow. Přizjewjenja přijimuja hač do njedzele, 18. julija, ale jeničce online. Link na wotpowědnu stro- nu je pod www.posol.de wozjewjeny.